

1997 nr. 78 26. maí

Lög um stöðu, stjórni og starfshætti þjóðkirkjunnar

Tóku gildi 1. janúar 1998. *Breytt með l. 55/1999 (tóku gildi 30. mars 1999), l. 19/2001 (tóku gildi 1. júní 2001), l. 6/2006 (tóku gildi 18. febr. 2006), l. 47/2006 (tóku gildi 1. júlí 2006), l. 82/2007 (tóku gildi 1. júní 2007 nema 3.-5. gr. sem tóku gildi 1. des. 2007), l. 19/2010 (tóku gildi 31. mars 2010), l. 162/2010 (tóku gildi 1. jan. 2011), l. 164/2010 (tóku gildi 1. jan. 2011 nema 2., 6., 22. og 26. gr. sem tóku gildi 31. des. 2010; komu til framkvæmda skv. fyrirmælum í 29. gr.), l. 83/2011 (tóku gildi 30. júní 2011), l. 126/2011 (tóku gildi 30. sept. 2011), l. 164/2011 (tóku gildi 30. des. 2011 nema 1.-2., 4.-5., 7., 15.-21., 24.-27., 29.-30. og 34.-39. gr. sem tóku gildi 1. jan. 2012; komu til framkvæmda skv. fyrirmælum í 40. gr.), l. 146/2012 (tóku gildi 1. jan. 2013 nema a- og d-liður 2. gr. sem tóku ekki gildi, sbr. l. 79/2013, 1. gr., og c-liður 2. gr. og 34. gr. sem tóku gildi 1. júní 2013; komu til framkvæmda skv. fyrirmælum í 35. gr.), l. 140/2013 (tóku gildi 31. des. 2013 nema 1.-2., 4.-12., 16.-18., 23.-29., 31.-32., 34.-38. og 40.-48. gr. sem tóku gildi 1. jan. 2014 og 21. gr. sem tekur gildi 1. jan. 2016; komu til framkvæmda skv. fyrirmælum í 49. gr.) og l. 125/2014 (tóku gildi 31. des. 2014 nema 6., 8., 13.-18., 21.-25. og 29. gr. sem tóku gildi 1. jan. 2015; komu til framkvæmda skv. fyrirmælum í 30. gr.).*

Ef í lögum þessum er getið um ráðherra eða ráðuneyti án þess að málfrasvið sé tilgreint sérstaklega eða til þess vísað, er átt við *innanríksráðherra* eða *innanríksráðuneyti* sem fer með lög þessi.

I. kaffli. Heiti og undirstaða.

- **1. gr.** Íslenska þjóðkirkjan er sjálfstætt trúfélag á evangelísk-lúterskum grunni.
 - Ríkisvaldinu ber að styðja og vernda þjóðkirkjuna.
 - Skírn í nafni heilagrar þrenningar og skráning í þjóðskrá veitir aðild að þjóðkirkjunni.

II. kaffli. Réttarstaða.

- **2. gr.** Þjóðkirkjan nýtur sjálfræðis gagnvart ríkisvaldinu innan lögðmælra marka.
 - Þjóðkirkjan, einstakar sóknir og stofnanir hennar njóta sjálfstæðrar eignhelgi og koma fram sem sjálfstæðir aðilar gagnvart almannavalduinu eftir því sem við getur átt.
 - **3. gr.** [Íslenska ríkið greiðir þjóðkirkjunni árlegt framlag á grundvelli samninga um kirkjueignir og prestssetur milli íslenska ríkisins og þjóðkirkjunnar til viðbótar öðrum tekju-stofnum hennar, lögbundnum sem ólögbundnum.]
 - Launagreiðslum til starfandi presta þjóðkirkjunnar og annarra starfsmanna hennar skal hagað samkvæmt því sem greinir í 60. gr.¹⁾

¹⁾ L. 82/2007, 1. gr.

- **4. gr.** [Ráðuneytið]¹⁾ hefur með höndum tengsl við þjóðkirkjuna af hálfu ríkisvaldsins að því er varðar fjárlagagerð. [Ráðuneytið]²⁾ hefur jafnfamt yfirumsjón með því að ríkisvaldið veiti þjóðkirkjunni þann stuðning sem því ber að veita henni lögum samkvæmt og hefur umsjón með því að þjóðkirkjan og stofnanir hennar fari að lögum.
- Um stöðu þjóðkirkjunnar sem opinbers trúfélags fer eftir I. kafla laga um trúfélög, nr. 18/1975, eftir því sem við getur átt.

¹⁾ L. 126/2011, 246. gr. ²⁾ L. 162/2010, 148. gr.

III. kaffli. Stjórni og starfsskipan.

1. Almennt.

- **5. gr.** Þjóðkirkjan ræður starfi sínu innan lögðmælra marka.

2. Biskup Íslands.

Almennt.

- **6. gr.** Ísland er eitt biskupsdæmi.
- Biskup Íslands fer með yfirstjórn þjóðkirkjunnar ásamt öðrum kirkjulegum stjórnvöldum eftir því sem nánar er mælt fyrir um í lögum þessum. Hann hefur aðsetur í Reykjavík. *Biskupskosning.*
- **7. gr.** Kjörgengur til biskupsembættis er hver guðfræði-

kandídat sem fullnægir skilyrðum til þess að gegna prests-embætti í þjóðkirkjunni.

- **8. gr.** Kirkjuþing setur reglur um kosningu biskups Íslands.

Skipun biskups Íslands.

- **9. gr.** Forseti Íslands skipar biskup Íslands.

Starfssvið biskups Íslands o.fl.

- **10. gr.** Biskup Íslands hefur tilsjón með kristnihaldi, kenningu kirkjunnar og starfi hennar í landinu. Hann er forseti kirkjuráðs. Hann fylgir eftir reglum er kirkjuþing setur, samþykktum kirkjuþings og markaðri stefnu þess og prestastefnu og hefur ákvörðunarvald um einstök mál, nema þau heyri undir önnur stjórnvöld þjóðkirkjunnar samkvæmt lögum þessum.

□ Biskup vígir kirkjur. Biskup vígir presta og djákna og setur þeim vígslubréf.

□ Heimilt er biskupi að vígja til prestsembættis og djáknapjónustu einstaklinga sem hafa verið kallaðir til þjónustu af evangelísk-lúterskum fríkirkjusöfnuðum í landinu.

Um kirkjuaga og lausn ágreiningasmála á kirkjulegum vettvangi.

- **11. gr.** Biskup Íslands hefur yfirumsjón með kirkjuaga innan þjóðkirkjunnar og beitir sér fyrir lausn ágreiningsefna sem rísa kunna á kirkjulegum vettvangi. Vegna agabrota getur hann gripið til þeirra úrræða sem lög og kirkjuhefð leyfa. *Úrskurðarnefnd.*

- **12. gr.** Nú rís ágreiningur á kirkjulegum vettvangi eða starfsmaður þjóðkirkjunnar er borinn sökum um siðferðiseða agabrot og getur þá hver sá sem hagsmunu á að gæta borið málíð undir úrskurðarnefnd sem biskup Íslands skipar til fjögurra ára í senn.

□ Úrskurðarnefnd skal skipuð þremur mönnum og jafnmögum til vara. Skal einn tilnefndur af leikmönnum á kirkjuþingi og einn af prestastefnu. Formaður skal skipaður án tilnefningar og sé hann löglærður.

□ Varði mál meint agabrot starfsmanna þjóðkirkjunnar eða embættisfærslu prests sérstaklega getur nefndin lagt til að hlutaðeigandi verði vikið úr starfi meðan um mál hans er fjallað og skal þá annar settur til að gegna starfi hans á meðan.

□ Í úrskurði vegna agabrota getur nefndin gripið til eftirfarandi úrræða:

- lagt til að starfsmanni verði veitt áminning, eftir atvikum með skilyrðum eða leiðbeiningum eða nánari fyrirmælum um rétta starfshegðun,
- mælt fyrir um að hann skuli fluttur til í starfi,
- mælt fyrir um að hann skuli ekki gegna núverandi starfi eða sambærilegu starfi eða köllun á kirkjulegum vettvangi um ákveðið tímabil eða til frambúðar eða
- lagt til endanlega brottvikningu hans úr hvaða starfi sem er á kirkjulegum vettvangi sem valdsvið nefndarinnar nær til.

□ Kirkjuþing setur nánari ákvæði um úrskurðarnefnd í starfsreglur skv. 59. gr.

Áfrýjunarnefnd.

- **13. gr.** Niðurstöðu úrskurðarnefndar skv. 12. gr. má skjóta til áfrýjunarnefndar sem ráðherra skipar til fjögurra ára í senn. Hafa málsaðilar og kirkjuráð heimild til áfrýjunar. Áfrýjunarfrestur er þrjár vikur. Um úrræði þau sem áfrýjunarnefnd getur gripið til með úrskurði gildir hið sama og frá var greint um úrskurðarnefnd í 12. gr. Um réttaráhrif kærðs úrskurðar gilda ákvæði 29. gr. stjórnslulaga, nr. 37/1993.

□ Áfrýjunarnefnd er skipuð þremur löglærðum mönnum sem fullnægi almennum skilyrðum til þess að vera skipaðir hæstaréttardómarar og sé einn þeirra formaður. Skulu þeir allir skipaðir samkvæmt tilnefningu Hæstaréttar. Varamenn skulu skipaðir með sama hætti. Við meðferð einstakra mála skal nefndin skipuð tveimur sérfróðum mönnum til viðbótar sem nefndin kveður sjálf til starfans.

□ Úrskurðir áfrýjunarnefndar, sem skulu vera rökstuddir og að jafnaði kveðnir upp innan sex vikna frá því að mál barst nefndinni, eru endanlegir og bindandi innan valdsviðs þjóðkirkjunnar.

□ Kirkjuþing setur nánari ákvæði um málsmeðferð fyrir úrskurðarnefnd og áfrýjunarnefnd í starfsreglur skv. 59. gr.

□ Kirkjulegir framkvæmdarvaldshafar skv. 23. gr. skulu framfylgja úrskurðum skv. 12. og 13. gr., undir yfirumsjón kirkjuráðs, og fylgjast jafnframt með því að farið sé eftir úrskurðum er snerta starfsemi eða framferði einstakra starfsmanna.

□ Um hæfi nefndarmanna skv. 12. og 13. gr. gilda ákvæði II. kafla stjórnsýslulaga, nr. 37/1993, svo og almenn ákvæði þeirra laga um málsmeðferð fyrir úrskurðarnefnd skv. 12. gr. og áfrýjunarnefnd skv. 13. gr. að því marki sem starfsreglur, er settar verða skv. 59. gr., mæla eigi fyrir á annan veg.

Kenningarnefnd.

■ **14. gr.** Biskup Íslands skipar ráðgjafarnefnd um kenningarleg málefni samkvæmt nánari ákvæðum í starfsreglum, sbr. 59. gr.

Um staðenggil biskups Íslands.

■ **15. gr.** Í forföllum biskups Íslands kveður hann þann víglubiskup sem eldri er að biskupsvíglu til þess að gegna embætti sínu um stundarsakir. Hið sama gildir sé biskup Íslands vanhæfur til meðferðar einstaks máls sem undir hann ber að lögum.

□ Nú fellur biskup Íslands frá eða lætur af embætti og skal þá sá víglubiskup, sem eldri er að biskupsvíglu, gegna embætti hans þar til biskupskjör hefur farið fram og nýr biskup Íslands hefur fengið skipun í embætti sitt.

3. Víglubiskupar.

Almennt.

■ **16. gr.** Víglubiskupar skulu vera tveir með aðsetur á hinum fornu biskupsstólum, í Skálholti í Biskupstungum og á Hólum í Hjaltadal. Þeir hafi tilsjón með kristnihaldi í umdænum sínum og séu biskupi til aðstoðar um kirkjuleg málefni og annist þau biskupsverk er biskup Íslands felur þeim. Nánari ákvæði um starfssvið víglubiskupa skal setja í starfsreglur, sbr. 59. gr.

□ Forseti Íslands skipar víglubiskupa.

Kosning víglubiskupa.

■ **17. gr.** Um kosningu og kjörgengi víglubiskupa gilda sömu reglur og um biskupskjör eftir því sem við getur átt, sbr. 7. og 8. gr. Kirkjuþing setur nánari reglur um kosningu víglubiskups í hvoru víglubiskupsumdæmi fyrir sig.

Víglubiskupsumdæmi o.fl.

■ **18. gr.** [Kirkjuþing ákveður skipan umdæma víglubiskupa.]¹⁾

¹⁾ L. 6/2006, 1. gr.

Biskupafundur.

■ **19. gr.** Biskup Íslands skal kalla víglubiskupa til fundar svo oft sem þurfa þykir og nánar skal kveðið á um í starfsreglum, sbr. 59. gr. Biskupafundur skal m.a. búa þau mál er varða kenningu, helgisiði og helgihald í hendur prestastefnu og

gera tillögur um skipan sókna, prestakalla og prófastsdæma til kirkjuþings, sbr. 50. gr.

4. Kirkjuþing.

Almennt.

■ **20. gr.** Kirkjuþing hefur æðsta vald í málefnum þjóðkirkjunnar innan lögmæltra marka.

□ Málefni, er varða kenningu kirkjunnar og agavald, heyra þó undir biskup Íslands, sbr. 10., 11., 19. og 28. gr.

□ Samþykktir um kenningarleg málefni, guðsþjónustuhald, helgisiði, skírn, fermingu og altarissakramenti verða að sæta umfjöllun prestastefnu áður en þær hljóta endanlega afgreiðslu á kirkjuþingi.

□ ...¹⁾

¹⁾ L. 82/2007, 2. gr.

Skipan kirkjuþings.

■ **21. gr.** [Kirkjuþingsfulltrúrar eru kosnir leynilegri kosningu til fjögurra ára í senn.

□ Kirkjuþing ákveður skipan kjördæma kirkjuþings og fjölda kirkjuþingsmanna.

□ Á kirkjuþingi skulu leikmenn vera fleiri en vígðir.¹⁾

□ Rétt til setu á kirkjuþingi eiga biskup Íslands og víglubiskupar, kirkjuráðsmenn, [ráðherra]²⁾ eða fulltrúi hans og fulltrúi guðfræðideilda Háskóla Íslands. Hafa þeir allir málfrelsi og tillögurétt en atkvæðisrétt hafa þeir ekki.

□ Kirkjuþing kys þingforseta úr röðum leikmanna.

□ Kirkjuþing skal halda ár hvert. Óski þriðunjur kirkjuþingsmanna eftir er skyld að kalla kirkjuþing saman innan viku frá því að krafa um slíkt var sett fram.

□ Kirkjuþing setur nánari ákvæði um kjör til kirkjuþings og pingsköp í starfsreglur,³⁾ sbr. 59. gr.

¹⁾ L. 6/2006, 2. gr. ²⁾ L. 126/2011, 246. gr. ³⁾ Starfsregl. 301/2013, sbr. starfsregl. 1027/2014.

Fastanefndir kirkjunnar.

■ **22. gr.** Kirkjuþing kys við upphaf hvers kjörtímabils fastanefndir kirkjunnar samkvæmt nánari reglum skv. 59. gr.

Kirkjuleg stjórnvöld.

■ **23. gr.** Stjórnvöld þjóðkirkjunnar og stofnana hennar fara með stjórnsýlu í öllum efnum, þar með talda ráðningu og lausn starfsmanna, og bera ábyrgð gagnvart kirkjuþingi.

□ Kirkjuþing skal sjá til þess að reikningshald kirkjulegra embætta, stofnana og sjóða hljóti fullnægjandi endurskoðun.

□ Kirkjuþing getur haft frumkvæði að frumvörpum til laga um kirkjuleg málefni og beint þeim tilmælum til ráðherra að þau verði flutt á Alþingi.

□ Ráðherra leitar umsagnar og tillagna kirkjuþings um lagfrumvörp um kirkjuleg málefni er hann hyggst flytja á Alþingi.

5. Kirkjuráð.

Almennt.

■ **24. gr.** Kirkjuráð fer með framkvæmdarvald í málefnum þjóðkirkjunnar.

Skipan kirkjuráðs.

■ **25. gr.** Kirkjuráð er, auk biskups Íslands, skipað fjórum mönnum, tveimur guðfræðingum og tveimur leikmönnum sem kirkjuþing kys og skulu varamenn kosnir með sama hætti. Kosið skal í kirkjuráð á fyrsta kirkjuþingi að aflokinni kosningu. Kirkjuráðsmenn sitja þar til nýtt kirkjuráð hefur verið kjörið.

Starfssvið kirkjuráðs.

■ **26. gr.** Kirkjuráð fer með framkvæmd sameiginlegra málfræna þjóðkirkjunnar, þar á meðal verkefna sem lög og stjór-

valdsreglur ætla því og erinda sem vísað er til þess m.a. af hálfu kirkjupings, prestastefnu, samtökum leikmanna, Alþingis og ráðherra.

□ Ákvörðunum kirkjulegra stjórnvalda, sem heyra undir lögsögu kirkjuráðs, má skjóta til kirkjuráðs til endanlegrar úrlausnar. Undanskildar eru ákvárdanir úrskurðar- og áfrýjunarnefnda skv. 12. og 13. gr., svo og ákvárdanir biskups skv. 11. gr. og um kenningu kirkjunnar, sbr. 10., 19., 20. og 28. gr. Varði málskot ákvörðun biskups Íslands er hann hefur áður tekið víkur hann sæti í kirkjuráði meðan það mál er til meðferðar þar og tekur þá sá vígslubiskup, sem eldri er að biskupsvígslu, sæti hans.

□ Ákvörðunum kirkjuráðs á framkvæmdasviði kirkjulegrar stjórnsýslu verður eigi áfrýjað til kirkjupings en fjalla má um mállefnið á kirkjuþingi að frumkvæði einstakra kirkjuþingsmanna.

□ Um málsmæðferð í kirkjuráði, svo og meðal annarra kirkjulegra stjórnvalda, skal fylgt ákvæðum stjórnsýslulaga, nr. 37/1993, eftir því sem við getur átt, leiði annað eigi af ákvæðum laga eða starfsreglna sem kirkjuþing setur skv. 59. gr. Hið sama á almennt við um sérstakt hafi kirkjulegra stjórnvalda til meðferðar einstakra mála.

■ **27. gr.** Kirkjuráð í samráði við forseta kirkjupings undirbýr fundi kirkjupings og fylgir eftir samþykkum þess.

□ Kirkjuráð undirbýr af hálfu þjóðkirkjunnar tillögur til fjárveitinga til hennar á fjárlögum.

□ Kirkjuráð hefur yfirumsjón með ráðstöfun fjár sem veitt er af opinberri hálfu til kirkjulegrar starfsemi.

□ Kirkjuráð hefur forræði og forsjá um Skálholtsstað, svo sem greinir í lögum nr. 32/1963, og hefur þau afskipti af mál-efnum Skálholtskóla er greinir í lögum nr. 22/1993.

6. Prestastefna.

■ **28. gr.** Biskup Íslands boðar til almennrar prestastefnu og er forseti hennar.

□ Á prestastefnu eiga setu og atkvæðisrétt vígslubiskupar og allir starfandi þjóðkirkjuprestar skv. 33. gr., svo og fastir kennarar guðfræðideilda Háskóla Íslands með guðfræðimenntun og guðfræðingar sem gegna föstum störfum á vegum þjóðkirkjunnar. Aðrir prestar og guðfræðingar eiga rétt til fundarsetu með málfrensi og tillögurétti enda séu þeir innan safnaða er starfa á játningargrundvelli evangelísk-lúterskrar kirkju.

□ Á prestastefnu skal fjalla um mállefni prestastéttarinnar, svo og önnur kirkjuleg mállefni. Prestastefna hefur tillögur og umsagnarrétt um mál er varða kenningu kirkjunnar og helgisiði og annars heyra undir biskup og kirkjuþing, sbr. 10., 11. og 20. gr.

7. Prófastar.

Almennt.

■ **29. gr.** Biskup Íslands útnefnir prófasta úr hópi presta. Nánari reglur um skipan þeirra og störf skal setja í starfsreglur, sbr. 59. gr.

□ Prófastar eru fulltrúar biskups Íslands í prófastsdænum og trúnaðarmenn hans og hafa í umboði hans almenna tilsljón með kirkjulegu starfi þar.

□ Biskup getur útnefnt prófasta til að hafa umsjón með tilteknunum þáttum kirkjulegrar þjónustu.

Héraðsfundir og heraðsnefndir.

■ **30. gr.** Héraðsfundi skal halda í hverju prófastsdæmi ár hvert. Héraðsfundur er vettvangur prófastsdæmis til þess að ræða um sameiginleg mállefni þjóðkirkjunnar í prófastsdæminu og önnur þau mállefni sem lög leggja til hans eða stjórn-

völd kirkjumála vísa þangað til umfjöllunar, umsagnar eða úrlausnar eða safnaðarfundir, sóknarnefndir, sóknarprestar og starfsmenn sókna óska eftir að þar verði rædd.

■ **31. gr.** Héraðsnefnd prófastsdæmis skal starfa á milli héraðsfunda og er hún framkvæmdaneftnd héraðsfundar. Prófastur er formaður héraðsnefndar en héraðsfundur kys aðra nefndarmenn til tveggja ára í senn. Héraðsnefnd fer með stjórn héraðssjóðs.

■ **32. gr.** Nánari reglur um héraðsfundi og héraðsnefndir skal setja í starfsreglur, sbr. 59. gr.

8. Prestar.

Almennt.

■ **33. gr.** Þjónandi prestur þjóðkirkjunnar er hver sá sem á grundvelli köllunar og vígslu gegnir föstu prestsstarfi í þjóðkirkjunnar. Hann lýtur tilsljón kirkjulegra stjórnvalda í kirkjulegum efnum þótt hann gegni launuðu starfi á vegum aðila sem ekki heyra undir þjóðkirkjuna.

■ **34. gr.** Í hverju prestakalli skal vera einn sóknarprestur. Sóknarprestur er hirðir safnaðar og gegnir prests- og predikunarembætti samkvæmt vígslubréfi og eftir því sem reglur og venjur segja til um.

■ **35. gr.** Í fjlölmennum prestaköllum er heimilt að skipa fleiri presta en einn. Séu prestar fleiri en einn í prestakalli skulu þeir undir forstu sóknarprests skipta með sér störfum í samræmi við almennar starfsreglur þar að lútandi, sbr. 59. gr.

■ **36. gr.** Biskup Íslands er heimilt að ákveða að í prófastsdænum starfi héraðsprestar. [Ráðningartími héraðspresta skal vera fimm ár í senn.]¹⁾

¹⁾ L. 55/1999, 1. gr.

Embættisgengi presta o.fl.

■ **37. gr.** [Biskup Íslands skipar í embætti sóknarprests sem og í önnur prestsembætti, sbr. 35., 36., 44. og 45. gr.]¹⁾

¹⁾ L. 82/2007, 3. gr.

■ **38. gr.** Almenn skilyrði til skipunar eða setningar í prests-embætti eru þessi:

1. 25 ára aldur. Biskup Íslands getur þó veitt undanþágu frá því ákvæði.

2. Embættispróf frá guðfræðideild Háskóla Íslands eða frá viðurkenndri guðfræðideild eða guðfræðiskóla, og skal biskup Íslands leita umsagnar guðfræðideildar Háskóla Íslands um hið síðarnefnda.

3. Að kandídat hafi ekki gerst sekur um athæfi sem ætla má að rýri álit hans og sé ósamboðið manni í prestsstarfi.

□ Áður en kandídat hlýtur vígslu skal hann hafa hlotið starfsþjálfun samkvæmt nánari ákvæðum í starfsreglum, sbr. 59. gr.

□ Að öðru leyti verður kandídat að fullnægja almennum skilyrðum 6. gr. laga nr. 70/1996, um réttindi og skyldur starfsmanna ríkisins.

Val á presti.

■ **39. gr.** Þegar prestakall eða prestsstaða losnar eða nýtt prestakall er stofnað auglýsir biskup Íslands embættið með fjögurra vikna umsóknarfresti hið skemmsta.

□ Nánari reglur um val á sóknarpresti og presti skv. 35. gr., m.a. um skilyrði til almennra kosninga, skal setja í starfsreglur skv. 59. gr.

■ **40. gr.** [Biskup Íslands veitir þeim embætti sóknarprests eða prests sem hlotið hefur bindandi val eða kosningu, samkvæmt nánari ákvæðum í starfsreglum, sbr. 59. gr.]¹⁾

□ Embætti sóknarprests og prests skv. 35. gr. skal veitt til fimm ára í senn, sbr. 23. gr. laga um réttindi og skyldur

starfsmanna ríkisins. Komi fram tillaga í söfnuðinum um að embættið skuli auglýst laust til umsóknar skal hún afgreidd á safnaðarfundi og er hún því aðeins gild að hún komi fram a.m.k. átta mánuðum fyrir lok fimm ára skipunartímans. Skylt er að leita álits úrskurðarnefndar skv. 12. gr. með atbeina biskups Íslands áður en kjörmenn eða aðrir sambærilegir aðilar afgreiða tillögu þar að lítandi. [Kjósí meiri hluti kjörmanna að embættið verði auglýst skal sú samþykkt send biskupi Íslands til samþykkta.]¹⁾

¹⁾ L. 82/2007, 4. gr.

■ **41. gr.** [Hafi enginn sótt um prestakall eða embætti er biskupi Íslands heimilt að setja prest í embættið í allt að eitt ár.]¹⁾ Prestakallið eða embættið skal auglýst að nýju að setningartímanum liðnum.

¹⁾ L. 82/2007, 5. gr.

Almennt um skyldur presta.

■ **42. gr.** Skylt er sóknarpresti að taka við kalli sínu jafnskjótt og fóng eru á eftir að hann hefur hlotið skipun eða ráðningu. Biskup Íslands getur þó veitt presti, er situr jörð, frest til næstu fardaga til að taka við embættinu.

□ Nú er prestssetur í prestakalli, og er þá presti skylt að hafa þar aðsetur og lögheimili nema biskup heimili annað um stundarsakir, að fenginni umsögn prófasts og viðkomandi sóknarnefnda.

■ **43. gr.** Nánari ákvæði um starfsskyldur presta skulu settar í starfsreglur, sbr. 59. gr.

Sérþjónustuprestar.

Almennt.

■ **44. gr.** Þar sem almennri prestþjónustu verður ekki við komið, svo sem á sjúkrastofnunum, við fangelsi og meðal heyrnarlausra, skal kalla til presta sem að jafnaði hafa sérmenntun til starfans.

□ Biskupi Íslands er heimilt að samþykka að ráðnir séu prestar á vegum stofnana og félagsamtaka. Teljast þeir prestar vera þjónandi prestar þjóðkirkjunnar, sbr. 33. gr.

□ Biskup Íslands setur sérþjónustuprestum ráðningarbréf, í samvinnu við þær stofnanir sem þeir eru ráðnir til, auk vígslubréfs.

Prestar er starfa erlendis.

■ **45. gr.** Biskupi Íslands er heimilt að samþykka að prestar séu ráðnir til starfa meðal Íslendinga erlendis.

Nánari ákvæði.

■ **46. gr.** Nánari ákvæði um sérþjónustupresta skal setja í almennar starfsreglur, sbr. 59. gr.

9. Djákna.

■ **47. gr.** Þjónandi djákni þjóðkirkjunnar er hver sá sem á grundvelli köllunar og vígslu gegnir fastri djáknajónustu í þjóðkirkjuni.

□ Djákna eru ráðnir af sóknarnefnd í samráði við sóknarprest til þess að gegna sérstaklega tilgreindum störfum á svíði líkna- og fræðslumála innan safnaðar.

□ Heimilt er í samráði við viðkomandi sóknarnefnd og sóknarprest og/eða sjúkrahúsprest að ráða djákna til starfa á sjúkrastofnun.

□ Til að hljóta ráðningu og vígslu sem djákni þarf hlutaðeigandi að hafa lokið viðeigandi prófi frá guðfræðideild Háskóla Íslands og hlotið tilskilda starfþjálfun á vegum þjóðkirkjunnar. Hafi umsækjandi um djáknastarf lokið prófi frá erlendum djáknaskóla skal biskup Íslands leita umsagnar guðfræðideildar Háskóla Íslands.

□ Um þjónustu djákna fer nánar eftir ákvæðum í starfsreglum, sbr. 59. gr.

10. Sóknir og prestaköll.

Almennt.

■ **48. gr.** Sóknin er grunneining þjóðkirkjunnar og starfsvettvangur hennar á hverjum stað. Ein eða fleiri sóknir mynda prestakall.

■ **49. gr.** Kirkjusókn er félag þess fólks innan þjóðkirkjunnar sem býr innan sóknarmarka.

□ Kirkjusókn er sjálfstæð fjárhagsleg og félagsleg eining en tengist öðrum sóknum innan sama prestakalls, ef um það er að ræða, með samstarfi eða á annan hátt sem héraðsfundur kann að mæla fyrir um eða einstakar sóknarnefndir stofna til. Þá tengast kirkjusóknir öðrum sóknum innan prófastsdæmis með sameiginlegum héraðsfundi.

□ Sóknarmenn eru allir þeir sem lögheimili eiga í sókn, miðað við 1. desember næstliðinn, hafa hlotið skírn og eru skráðir í þjóðkirkjuna.

□ Sóknarmenn eiga rétt á kirkjulegri þjónustu í sókn sinni og bera sameiginlega skyldur eftir því sem nánar er kveðið á um í lögum eða með lögmæltum ákvörðunum.

Skipan sókna, prestakalla og prófastsdæma.

■ **50. gr.** Kirkjuþing setur starfsreglur skv. 59. gr. um skipan sókna, prestakalla og prófastsdæma. Í umræddum starfsreglum skulu m.a. vera reglur varðandi skiptingu kirkjusóknar og sameiningu sókna og um sóknarmörk, svo og um niðurlagningu kirkju eða tilfarslu.

■ **51. gr. . . .**¹⁾

¹⁾ L. 19/2001, 1. gr.

Safnaðarfundir.

■ **52. gr.** Aðalsafnaðarfund skal að jafnaði halda fyrir maí-lok ár hvert. Þar skulu rædd málfeini sóknarinnar, þar á meðal þau mál sem lögmælt er að undir fundinn séu borin, svo og þau mál sem héraðsfundur, sóknarprestur, prófastur, biskup Íslands eða [ráðherra]¹⁾ skýtur þangað. Aðalsafnaðarfundur er vettvangur starfsskila og reikningsskila af hendi sóknarnefndar og einstakra nefnda innan sóknarinnar.

□ Aðalsafnaðarfundur fer með ákvörðunarvald innan sóknarinnar í málum þeim sem undir fundinn heyra samkvæmt lögum eða lögmæltum ákvörðunum.

□ Aðra safnaðarfundi skal halda ef meiri hluti sóknarnefndar óskar þess eða einn fjórði hluti sóknarmanna sem atkvæði-islétt eiga á safnaðarfundum.

□ Sóknarmenn njóta kosningarréttar og kjörgengis á safnaðarfundum þegar þeir eru fullra sextán ára.

¹⁾ L. 162/2010, 148. gr.

Skipun, störf og starfshættir sóknarnefnda.

Almennt.

■ **53. gr.** Í hverri kirkjusókn er sóknarnefnd sem annast rekstur og framkvæmdir á vegum sóknarinnar og styður kirkjulegt starf í sókninni ásamt sóknarpresti og starfsmönnum sóknarinnar.

□ Sóknarnefnd skal kosin til fjögurra ára í senn.

□ Sóknarnefndarmenn eru þrír í sóknum þar sem sóknarmenn eru færri en 300, en ella fimm, þó svo að þegar sóknarmenn eru 1.000 hið fæsta mega sóknarnefndarmenn vera sjö og níu ef sóknarmenn eru 4.000 eða fleiri, allt miðað við 1. desember næstliðinn. Fjölda skal sóknarnefndarmönnum, ef því er að skipta, á næsta aðalsafnaðarfundi þegar kjör sóknarnefndarmanna á fram að fara, eftir að þeir verða 1.000 eða 4.000 hið fæsta. Nú fækkar sóknarmönnum niður fyrir greind mörk og ákveður aðalsafnaðarfundur þá hvort fækka skuli sóknarnefndarmönnum.

□ Kjósa skal a.m.k. jafnmarga varamenn og aðalmenn eru og taka þeir sæti í forföllum aðalmanna eftir þeiri röð sem þeir voru kosnir í. Heimilt skal sóknarnefnd að kveðja vara-menn sér til liðsinnis þegar hún telur ástæðu til.

Hlutverk og starfshættir

■ **54. gr.** Sóknarnefnd er ásamt sóknarpresti í fyrirsvari fyrir sóknina gagnvart stjórnvöldum og einstökum mönnum og stofnunum. Hún hefur umsjón með kirkju safnaðarins og safnaðarheimili. Kirkjuping setur ákvæði um afnot af kirkju og safnaðarheimili í starfsreglur, sbr. 59. gr.

□ Sóknarnefnd skal gæta réttinda kirkju og gera prófasti viðvart ef út af bregður.

■ **55. gr.** Um stöðu, starf og starfshætti sóknarnefnda skal setja nánari ákvæði í starfsreglur,¹⁾ sbr. 59. gr.

¹⁾ Augl. 1111/2011 (um sóknarnefndir).

Safnaðarfulltrúar

■ **56. gr.** Sóknarnefnd kýs safnaðarfulltrúa og varamann hans úr sínum hópi til fjögurra ára í senn.

Starfsmenn kirkjusókna

■ **57. gr.** Kirkjuping skal setja ákvæði um stöðu og störf starfsmanna sókna, þar á meðal organista, í starfsreglur,¹⁾ sbr. 59. gr.

¹⁾ Augl. 1111/2011 (um sóknarnefndir).

Leikmannastefna

■ **58. gr.** Biskup Íslands boðar til almennrar leikmannastefnu til að fjalla um málefni leikmanna, safnaða, hlutverk og störf sóknarnefnda, svo og um önnur mál er líta að þjónustu kirkjunnar við söfnuði landsins og kristileg félagasamtök. Nánari reglur um leikmannastefnu skal setja í starfsreglur, sbr. 59. gr.

IV. kaffli. Starfsreglur

■ **59. gr.** Um aðra starfsmenn þjóðkirkjunnar en þá sem fyr hafta verið taldir fer eftir almennum reglum um starfshætti hennar er kirkjuping setur og hafi að geyma nánari fyrirmæli um stjórnun og starfshætti kirkjunnar á grundvelli laga þessara. Í reglum þessum skal m.a. kveðið á um hlutverk starfsmanna þjóðkirkjunnar eftir því sem við getur átt.

□ Kirkjuping setur jafnframt nánari reglur¹⁾ um tilteknar þætti kirkjustarfsins sem eigi er fjallað um í hinum almennu reglum sem getið er um í 1. mgr. Þá staðfestir kirkjuping stofnskrár og nánari reglur um stjórn og starfsemi stofnana er starfa á vegum þjóðkirkjunnar en kirkjuráð staðfestir endurskoðaða reikninga þeirra stofnana og birtir þá síðan í skýrslu sinni til kirkjupings.

□ Kirkjuráð gefur út reglur²⁾ þær og stofnskrár er um ræðir í 1. og 2. mgr. ásamt breytingum sem kunna að verða gerðar á þeim. Skulu reglur og stofnskrár, sem og breytingar á þeim, birtast á prenti í síðasta lagi innan fjögurra vikna frá því að kirkjuping samþykkti þær. Ber kirkjuráði að hafa eftirlit með því að eintök þeirra séu aðgengileg fyrir almenning frá þeim tíma, auk þess sem kirkjuráð annast dreifingu þeirra og kynningu með tilhlýðilegum hætti.

□ Hafi eigi verið á annan veg mælt í reglum þeim sem hér um ræðir öðlast þær, sem og breytingar, bindandi gildi á þritugasta degi frá útgáfudegi þeirra. Eftir þann tíma ber öllum starfsmönnum þjóðkirkjunnar, sem og öðrum þeim sem reglunum er ætlað að binda, að fara eftir þeim.

¹⁾ Augl. 918/2010 (um starfsreglur um rannsóknarnefnd um viðbrögð og starfshætti þjóðkirkjunnar vegna ósíkana á hendur Ólafi Skúlasyni biskupi um kynferðisbrot). ²⁾ Starfsregl. 730/1998 (um úrskurðarnefnd og áfrýjunarnefnd þjóðkirkjunnar), sbr. augl. 827/2000, 1030/2007 og 1031/2007. Starfsregl. 738/1998 (um djákna), sbr. 843/2003. Augl. 819/1999 (um rekstrarkostnað prestssetrumsamningum um kirkju-eignir milli íslenska ríkisins og þjóðkirkjunnar). Andvirkði seldra jarða rennur í ríkissjóð.

og starfsregl. 302/2013. Augl. 823/1999 (um organista), sbr. augl. 954/2010. Augl. 824/1999 (um sérþjónustupresta), sbr. augl. 954/2010. Augl. 817/2000 (um kirkjuráð), sbr. augl. 786/2002, 1005/2005, 1030/2007, 954/2010 og starfsregl. 1036/2012. Augl. 821/2000 (um ráðgjafarnefnd um kennningarleg málefni), sbr. augl. 954/2010. Augl. 822/2000 (um kirkjuráð og safnaðarheimili), sbr. augl. 770/2002 og 1030/2007. Augl. 826/2000 (um prestssetrásjóð), sbr. augl. 875/2002 og 840/2003. Augl. 768/2002 (um kirkjuráðistílist á vegum þjóðkirkjunnar), sbr. augl. 954/2010 og starfsregl. 1025/2014. Augl. 788/2002 (um þjálfun prestsefna), sbr. augl. 1008/2005 og 954/2010. Augl. 843/2003 (um þjálfun djáknaefna). Augl. 874/2004 (um leikmannastefnu), sbr. augl. 953/2010. Augl. 1003/2005 (um íslensku þjóðkirkjuna erlendis), sbr. augl. 1075/2008. Augl. 1006/2005 (um samkirkjunefnd þjóðkirkjunnar), sbr. starfsregl. 1023/2014. Augl. 964/2006 (um biskupafund). Augl. 965/2006 (um héraðsfundi og héraðsnefndir). Augl. 966/2006 (um prófasta), sbr. augl. 1030/2007, 948/2009 og starfsregl. 1038/2012. Augl. 968/2006 (um víglubiskupa), sbr. augl. 1030/2007 og 954/2010. Augl. 1026/2007 (um skipulag kirkjunnar í héraði), sbr. augl. 1074/2008, 947/2009, 915/2010, 917/2010, 955/2010, 1114/2011, 1115/2011, starfsregl. 1035/2012, starfsregl. 284/2013, starfsregl. 1104/2013, starfsregl. 625/2014 og starfsregl. 1026/2014. Augl. 1028/2007 (um þjóðmálanefnd þjóðkirkjunnar). Augl. 949/2009 (um þingskóp kirkjupings), sbr. augl. 1112/2011, starfsregl. 955/2012, starfsregl. 1105/2013 og starfsregl. 934/2014. Augl. 950/2009 (um prestssetur og aðrar fasteignir þjóðkirkjunnar), sbr. augl. 951/2010 og starfsregl. 1024/2014. Augl. 951/2009 (um Fjölskylduhófumánusti kirkjunnar), sbr. augl. 954/2010. Augl. 952/2009 (um kirkjuping unga fólkssins), sbr. starfsregl. 1106/2013. Augl. 955/2009 (um meðferð kynferðisbrotta innan íslensku þjóðkirkjunnar), sbr. augl. 952/2010. Augl. 1108/2011 (um kosningu biskups Íslands og víglubiskupa), sbr. augl. 117/2012 og starfsregl. 1027/2014. Augl. 1109/2011 (um val og veitingu prestsembæta), sbr. starfsregl. 1037/2012 og starfsregl. 1027/2014. Augl. 1110/2011 (um presta). Augl. 1111/2011 (um sóknarnefndir), sbr. starfsregl. 1037/2012. Starfsregl. 301/2013 (um kjör til kirkjupings), sbr. starfsregl. 1027/2014.

V. kaffli. Launagreiðslur og réttarstaða starfsmanna

■ **60. gr.** Ríkið standi skil á launum biskups Íslands, víglubiskupa, 138 starfandi presta og prófasta þjóðkirkjunnar og 18 starfsmanna biskupsstofu.

□ Fjölgji skráðum meðlimum þjóðkirkjunnar um 5.000 miðað við þjóðskrá í árslok 1996 skal ríkið greiða laun eins prests til viðbótar því sem greinir í 1. mgr. Sama á við um frekari fjölgun. Fækki skráðum meðlimum þjóðkirkjunnar um 5.000 miðað við þjóðskrá í árslok 1996 lækkar tala starfandi presta í 1. mgr. um einn. Sama á við um frekari fækkun.

□ Fjölgji prestum um túi, sbr. það sem greinir í 2. mgr., skal ríkið greiða laun eins starfsmanns á biskupsstofu til viðbótar því sem greinir í 1. mgr. Sama á við um frekari fjölgun. Fækki prestum um túi, sbr. það sem greinir í 2. mgr., lækkar tala starfsmanna á biskupsstofu í 1. mgr. um einn. Sama á við um frekari fækkun.

□ Um greiðslu launa til framangreindra starfsmanna þjóðkirkjunnar fer eftir lögum um [kjararáð]¹⁾ eða lögum um kjarasamninga opinberra starfsmanna, nr. 94/1986, með áorðnum breytingum, eftir því sem við getur átt.

□ Launagreiðslur annarra starfsmanna þjóðkirkjunnar eru ríkinu óviðkomandi.

¹⁾ L. 47/2006, 13. gr.

■ **61. gr.** Þeir starfsmenn þjóðkirkjunnar, sem þiggja laun úr ríkissjóði, sbr. 60. gr., njóta réttinda og bera skyldur sem opinberir starfsmenn eftir því sem nánar er mælt fyrir um í lögum nr. 70/1996, svo og öðrum lögum er kveða á um réttarstöðu opinberra starfsmanna, sbr. þó 12. og 13. gr.

□ Nánari ákvæði um réttarstöðu starfsmanna þjóðkirkjunnar skulu sett í starfsreglur, sbr. 59. gr.

VI. kaffli. Jarðeignir kirkna

■ **62. gr.** [Kirkjujarðir og aðrar kirkjueignir sem þeim fylgja, að frátoldum prestssetrum og því sem þeim fylgir, eru eign íslenska ríkisins, samkvæmt samningum um kirkju-eignir milli íslenska ríkisins og þjóðkirkjunnar. Andvirkði seldra jarða rennur í ríkissjóð.

□ Prestssetur, þ.e. prestssetursjarðir og prestsbústaðir, sem prestssetrasjóður tók við yfirstjórn á frá [ráðuneytinu]¹⁾ 1. janúar 1994 með síðari skjalfestum afhendingum frá [ráðu-

neytinu],¹⁾ svo og prestsbústaðir, hús og aðrar eignir sem prestssetrasjóður hefur keypt, eru eign þjóðkirkjunnar með öllum réttindum, skyldum og kvöldum samkvæmt samningi um prestsetur milli íslenska ríkisins og þjóðkirkjunnar.

□ Kirkjuping setur nánari ákvæði um prestsetur í starfsreglur, sbr. 59. gr.]²⁾

¹⁾ L. 162/2010, 148. gr. ²⁾ L. 82/2007, 6. gr.

VII. kafli. Gildistaka og brottafall laga.

■ [63. gr. Lög þessi öðlast gildi 1. janúar 1998.

■ [64. gr. . .

[Ákvæði til bráðabirgða.

■ [I. Prátt fyrir ákvæði laganna skal skuldbinding ríkisins skv. 60. gr. á árinu 2010 vera þannig að framlög ríkisins til þjóðkirkjunnar samkvæmt sérstöku samkomulagi íslenska ríkisins og þjóðkirkjunnar munu lækka um 160 millj. kr. Með sama hætti skal framlag ríkissjóðs til Kristnisjóðs skerðast um 9 millj. kr. á árinu 2010.]¹⁾

¹⁾ L. 19/2010, 1. gr.

■ [II. Prátt fyrir ákvæði laganna skal skuldbinding ríkisins skv. 60. gr. á árinu 2011 samkvæmt sérstöku samkomulagi íslenska ríkisins og þjóðkirkjunnar vera 1.276,3 millj. kr. á árinu 2011. Framlag til Kristnisjóðs skal vera 76,3 millj. kr. á árinu 2011.]¹⁾

¹⁾ L. 146/2010, 26. gr.

■ [III. . . .] ¹⁾

¹⁾ L. 83/2011, 1. gr.

■ [IV. Prátt fyrir ákvæði laganna skal skuldbinding ríkisins skv. 60. gr. á árinu 2012 samkvæmt sérstöku samkomulagi íslenska ríkisins og þjóðkirkjunnar vera 1.298 millj. kr. á árinu 2012. Framlag til Kristnisjóðs skal vera 74 millj. kr. á árinu 2012.]¹⁾

¹⁾ L. 164/2011, 31. gr.

■ [V. Prátt fyrir ákvæði laganna skal skuldbinding ríkisins skv. 60. gr. á árinu 2013 samkvæmt sérstöku samkomulagi íslenska ríkisins og þjóðkirkjunnar vera 1.412 millj. kr. á árinu 2013. Framlag til Kristnisjóðs skal vera 73,1 millj. kr. á árinu 2013.]¹⁾

¹⁾ L. 146/2012, 33. gr.

■ [VI. Prátt fyrir ákvæði laganna skal skuldbinding ríkisins skv. 60. gr. á árinu 2014 samkvæmt sérstöku samkomulagi íslenska ríkisins og þjóðkirkjunnar vera 1.474,8 millj. kr. á árinu 2014. Framlag til Kristnisjóðs skal vera 73,1 millj. kr. á árinu 2014.]¹⁾

¹⁾ L. 140/2013, 33. gr.

■ [VII. Prátt fyrir ákvæði laganna skal skuldbinding ríkisins skv. 60. gr. á árinu 2015 samkvæmt sérstöku samkomulagi íslenska ríkisins og þjóðkirkjunnar vera 1.486,9 millj. kr. Framlag til Kristnisjóðs skal vera 72 millj. kr. á árinu 2015.]¹⁾

¹⁾ L. 125/2014, 9. gr.